


別譯雜阿含經

第十

二百七十六
息十

49521



別譯雜阿含經卷第十

失譯

如是我聞一時佛在王舍城耆屺山中有一天女名求迦左娑本是波純提女光色倍常於其夜中來詣佛所威光暉曜普照此山悉皆大明頂禮佛足在一面坐即說偈言

口意宜修善

不應作諸惡

身不以小惡

加害於世間

觀欲空無實

修於人念覺意

設自不樂苦

莫作損減業

尔時世尊讚天女曰善哉善哉如汝所說

口意宜修善

不應作衆惡

身不以小惡

加害於世間

觀欲空無實

修於念覺意



苦不自樂苦

莫作損減業

時波純提女聞佛所說歡喜頂禮即於座沒
還于天宮

如是我聞一時佛在舍衛國祇樹給孤獨園
尔時阿難告諸比丘我今欲演四句之法咸
當喜受至心諦聽憶持莫忘云何名為演四
句法

口意宜修善

不應作諸惡

身不以小惡

加害於世間

觀欲空無實

修於念覺意

若自不樂苦

莫作損減業

時有一婆羅門去阿難不遠聞說斯偈即便
思惟如此偈義義味深遠非是人作必是非

人之所宣說當往問佛作是念已時婆羅門
即詣佛所問訊已訖在一面坐白佛言瞿曇
我從阿難聞說此偈如我思惟此偈句義非
人所作佛告婆羅門實尔實尔實是非人之
所宣說非人所造我於往時在王舍城耆尼
山中求迦旃天女來詣我所頂禮我已在一
一面坐即說斯偈而斯偈者實非人說時婆
羅門聞佛所說歡喜而去
如是我聞一時佛在王舍城耆尼山中時求
迦旃天女本是波純提女身光晃曜猶如電
光淳誠至信歸依三寶來詣佛所在一面坐
以此光明普照此山悉皆洞然求迦旃天

女即說偈言

我今以種種

讚詠佛法僧

今但略宣說

隨意所樂足

口意宜修善

不應造衆惡

身不以小過

加害於世間

觀欲性相空

修於念覺意

若自不樂苦

莫作損減業

余時世尊告天女言如是如是如汝所說求

迦尼婁天女聞佛說已歡喜頂禮於此處沒

還于天宮

如是我聞一時佛在毗舍離北獼猴彼岸精

舍之中時波純提天女拙羅天女光色倍常

往詣佛所頂禮佛足在一面坐時此二天女

放大光明遍照獼猴及毗舍離悉皆大明時

拙羅天女即說偈言

世尊婆伽婆 無上等正覺

在於毗舍離

住於大林中

求迦尼婁天

并及於拙羅

波純提女等

誓首尊足下

我往昔曾聞

能善稱說法

牟尼世尊者

今現在演說

諸有生譏毀

如斯深法者

是則名愚癡

後必墮惡趣

有能讚聖法

成就具於念

是名有智者

後必生善處

時求迦尼婁天女復說偈言

口意宜修善

不應造眾惡

身不以小惡

加害於世間

觀欲性相空

修於念覺意

若自不樂苦

莫作損減業

尔時世尊告天女言如是如是如是如汝所說時
天女等聞佛說已歡喜而去

如是我聞一時佛在舍衛國祇樹給孤獨園
時有一天於其夜中來詣佛所威光大明遍
照祇洹頂禮既已退坐一面而說偈言

不觸者勿觸 觸者必還報 以如是事故

不應妄有觸 若非津濟處 不應作度意

尔時世尊以偈答曰

可瞋而不瞋 清淨無結使 若欲惡加彼

惡便來及己 如逆風揚土 塵來自全身

欲以瞋加彼 彼受必還報 是二並名惡

兩俱不脫患 若瞋不加報 能伏於太怨

尔時天復以偈讚言

往昔已曾見 婆羅門涅槃

久棄捨嫌怖

能度世間愛

尔時此天說此偈已歡喜而去

如是我聞一時佛在舍衛國祇樹給孤獨園
時有一天光顏熾盛容色殊常來詣佛所頂

禮佛足在一面坐而說偈言

嬰愚少智者 造於諸惡業

為已自作怨

後受大苦報

尔時世尊以偈荅曰

所作業不善

作已自燒煮

愚癡造眾惡

受報悲啼哭

天復以偈讚言

往昔已曾見

婆羅門涅槃

久棄捨嫌怖

能度世間愛

余時此天說此偈已歡喜頂禮還于天宮

如是我聞一時佛在舍衛國祇樹給孤獨園

時有一天威容光赫顏色殊常來詣佛所既

頂禮已退坐一面而說偈言

不以言說故得名為沙門

此實趣向道

成就堅履跡若有勇健者

能深修禪定

獲得於解脫壞於魔結縛

作及不作業

二俱稱實說詐偽無誠信

智者所棄捐

已身實無德虛讚已自驕

詐偽虛誑說

世間之大賊

尔時世尊以偈答曰

不顯己功德 不知他心行

知已復涅槃

能度世間愛

尔時此天聞佛偈已而白佛言我於今者實

有罪過唯願聽我誠心懺悔時佛默然天復

說偈言

今我說罪悔

汝不受我悔

懷惡心不善

不捨於怨嫌

世尊以偈復答天曰

說罪言懺悔

內心實不滅

云何除嫌隙

云何如得善

天又說偈重問曰

人誰無憊過 人誰無誤失

阿誰離愚癡

阿誰常具念

尔時世尊以偈荅曰

如來婆伽婆

正智得解脫

彼無諸憊過

亦復無得失

彼已離愚癡

能具於正念

天復以偈讚言

我昔已曾見

婆羅門涅槃

久棄捨嫌怖

能度世間愛

尔時此天說此偈已歡喜而去

如是我聞一時佛在王舍城迦蘭陀竹林尔時提婆達多友瞿迦梨往詣佛所在一面立

佛告瞿迦梨汝於舍利弗有緣莫生嫌想舍
利弗目連淨修梵行心意柔順汝莫生嫌長夜
受諸苦惱瞿迦梨言我信佛語我隨於佛然
舍利弗目連實有惡欲惡欲於彼實得自在
彼隨惡欲佛復告瞿迦梨汝今勿於彼二人
所生嫌恨心如是一至三而瞿迦梨雖聞佛言
惡心不改捨佛而去去佛不遠身生惡瘡初
如芥子須臾之頃猶如豆許復漸長大如毗
梨菓身體爛潰膿血流出身壞命終墮大蓮
華地獄時有三天光色倍常於其夜中來至
佛所頂禮佛足在一面立第一天白佛言世
尊瞿迦梨是夜命終第二天言墮大蓮華地

獄第三天即說偈言

夫人生世斧在口中 由其惡言 自斬其身

應讚而毀 應毀而讚 口出綺語 後受苦殃

綺語奪財 是故小過 謗佛賢聖 是名大患

受苦長遠 具滿百千 入尼羅浮 及三十六

入阿浮陀 乃至墮彼 五阿浮陀 誹謗賢聖

口意造惡 入斯地獄

時彼三天禮佛足已 還於天宮

尔時佛告諸比丘汝等欲聞彼阿浮陀地獄

壽命長短以不比丘白言願為我說我等聞

已信受憶持尔時世尊告諸比丘二十佉利

胡麻得波羅捺滿溢一車有長壽天足滿百

年取其一粒如是胡麻一切都漸此阿浮陀
地獄所得壽命猶故未盡此二十阿浮陀解
成一尺羅浮陀二十尺羅浮陀解一呵吒吒二
十呵吒吒解一睺睺二十睺睺解一蓮華地
獄二十蓮華地獄解一大蓮華地獄瞿迦梨
比丘以謗舍利弗目連故墮是大蓮華地獄
中佛告諸比丘被燒焦柱尚不應謗况情識
類佛說是已諸比丘聞佛所說歡喜奉行
如是我聞一時佛在舍衛國祇樹給孤獨園
時有一天光色倍常威顏是曜遍照祇洹來
詣佛所頂禮退坐一面而說偈言
云何輕賤他 及不輕賤他
為他所輕賤

以何為首目 我今問如來 大仙為我說

尔時世尊以偈答曰

善知不輕賤 不知名輕賤 樂法名恭敬

慢法名不恭 不近善知識 是名不敬首

樂行於非法 親友生怨嫉 與怨為親友

是為不敬首 一如有婦女人 履行不貞良

好與姦姪通 一作於無聖行 男子違禮度

其義亦復然 如是等名為 輕賤之元首

斗秤欺誑人 巧偽不均平 苟且懷貪利

是名輕賤首 博奕相侵欺 損喪錢財盡

如是等名為 輕賤之首目 嗜睡著美味

早眠而晚起 懈怠於事務 而復喜瞋恚

如斯之等人

亦名輕賤首

耳璫及環釧

擎蓋錦履屣

貧窮自嚴飾

是名輕賤首

財物既尠少

愛著情愈濃

雖生刹利種

冀求得王位

如是愚癡人

是名輕賤首

財寶基業大

多眷屬親友

自身於美味

不分施與他

受他好飲食

及得財寶利

彼來至己家

都無報荅心

乃至不與食

是名輕賤首

父母年朽邁

衰老既至已

自食於甘美

終不知供養

如斯之等人

是名輕賤首

父母及兄弟

親屬并姊妹

打罵出惡言

是名輕賤首

沙門婆羅門

中時來至家

不請不施食

是名輕賤首

沙門婆羅門

及貧窮乞匄

罵辱不施與

是名輕賤首

謗佛及聲聞

出家在家入

為此非法事

是名輕賤首

實非是羅漢

自稱是羅漢

天人婆羅門

沙門中大賊

若為如是者

是名輕賤首

如斯之等類

為他所輕賤

世間可輕賤

我悉知見之

宜應遠捨離

如怖畏險道

天復以偈讚言

我昔已曾見

婆羅門涅槃

久棄捨嫌怖

能度世間愛

尔時此天說此偈已歡喜而去

如是我聞一時佛在舍衛國祇樹給孤獨園

時有一天顏容暉赫光色甚明遍于祇洹來
詣佛所頂禮足已退坐一面而說偈言

誰名為敬順 誰名為陵邈 誰為嬰愚戲

如小兒弄土

尔時世尊以偈答曰

男子若敬順 女人必陵邈 男子若陵邈

女人必敬順 女人嬰愚戲 如小兒弄土

天復以偈讚言

我昔已曾見 婆羅門涅槃 久棄捨嫌怖

能度世間愛

尔時此天說此偈已歡喜還宮

如是我聞一時佛在舍衛國祇樹給孤獨園

時有一天身光晃曜猶如電光遍照祇洹赫
然甚明來詣佛所頂禮足已退坐一面而說
偈言

覺觀意欲來

遮止應遮止

一切盡遮止

不造生死塵

爾時世尊以偈答曰

覺觀意欲來

遮止應遮止

不應一切遮

但遮惡覺觀

惡意應遮止

遮止能遮止

若能如是者

不為生死遮

天復以偈讚言

我昔已曾見

婆羅門涅槃

久棄捨嫌怖

能度世間愛

尔時此天說此偈已歡喜還宮

如是我聞一時佛在舍衛國祇樹給孤獨園

時有一天身光是曜遍照祇洹來詣佛所禮

佛足已退坐一面而說偈言

云何得名稱 云何得財業 云何得稱譽

云何得親友

尔時世尊以偈答曰

持戒得名稱 布施得財寶 實語得稱譽

普施眾皆親

天復以偈讚言

我昔已曾見 婆羅門涅槃 久棄捨嫌怖

能度世間愛

尔時此天說此偈已歡喜還宮

如是我聞一時佛在舍衛國祇樹給孤獨園時有一天光顏晃曜赫然甚明遍于祇洹來詣佛所頂禮佛足退坐一面而說偈言

云何生爲人

知見極明了

集諸財寶利

多少義云何

尔時世尊以偈荅曰

先學衆伎能

次集諸財寶

集財爲四分

一分供衣食

二分營作事

一分俟匱乏

種田是初業

商估是爲次

蕃息養牛群

羔羊并六畜

復有諸子息

各爲取妻婦

出女并姊妹

及六畜家法

調和得利樂

不和得苦惱 作事令終訖 終不中休廢
智者善思惟 深知於得失 善解作不作
財寶來趣已 如河歸大海 勤修於事業
如蜂採衆華 日日常增長 晝夜聚財業
如彼蜂增長 財不寄老朽 不與邊遠人
惡人作鄙業 勢力勝已者 終不以財寶
與如是等人 與財為親厚 債索時忿諍
恠哉財義利 失財失親友 但如法聚財
不應作非法 丈夫如法作 端嚴極熾盛
既能自衣食 又復惠施人 調適不失度
命終得生天 天復以偈讚言

我昔已曾見

婆羅門涅槃

久棄捨嫌怖

以度世間愛

尔時此天說此偈已歡喜還宮

如是我聞一時佛在舍衛國祇樹給孤獨園
尔時佛告諸比丘乃往古昔俱薩羅國有一
善彈琴人名俱菟羅涉路而行時有六天女
各乘宮殿陵虛而行天等出宮語此人言男
可為我彈奏清琴我當歌儻時彈琴人覩其
容貌光明異常生希有想問言姊妹作何功
德得生斯處尔先為我說其先因我當為尔
彈奏清琴天女荅曰汝今但當為我彈琴我
於歌中自說往緣時俱菟羅於六天前即鼓

琴時第一天女而說偈言

諸能以上衣用施於他人

人中生尊勝

處天如我今身如真金聚

光色甚喜悅

天女有數百我為最尊勝

施於所愛物

其福勝如是

第二天女復說偈言

若以諸上味

餽饌飲食施

生人為男女

男女中最勝

若生於天上

猶如我今日

以捨所愛故

隨意受使樂

汝觀我宮殿

乘虛自在行

身如真金聚

光顏甚殊妙

天女有數百

我為最尊勝

施上味飲食

獲勝報如是

第三天天女復說偈言

若以勝妙香 布施而修福

生人得尊勝

處天如我身

以捨所愛故

隨意受快樂

汝觀我宮殿

乘空自在行

身如真金聚

光顏甚殊妙

天女有數百

我為最尊勝

以施勝香故

獲報得如是

第四天天女復說偈言

我本人中時

孝事難舅姑

罵詈言成惡言

我悉能忍受

是故於今者

獲得此天身

以能孝順故

隨意受快樂

汝觀我宮殿

乘空自在行

身如真金聚

光顏甚殊妙

天女有百數

我為最尊勝

以能孝事故

獲勝報如是

第五天女復說偈言

我於先身時 屬人爲婢使

奉侍於大家

隨順不瞋戾 精勤不懈怠

早起而晚卧

若於大家所 得少飲食時

分施於沙門

及與婆羅門 是故得天身

隨意受快樂

汝觀我宮殿 乘空自在行

身如真金聚

光顏甚殊妙 天女數百中

我最爲尊勝

處賤修福田 獲勝報如是

第六天女復說偈言

我於先身時 得見於比丘

及以比丘居

生大歡喜心 彼教我精勤

得聞彼說法

一日受齋法

是故今生天

隨意受快樂

汝觀我宮殿

乘空自在行

身如真金色

光顏甚殊妙

天女數百中

我爲最尊勝

汝今且觀我

以用善教故

獲勝報如是

時彈琴者復說偈言

我今極善行
可樂薩羅林

我今見天女

晃曜如電光
見聞如是事

還歸造功德

尔時比丘聞佛所說歡喜奉行

如是我聞一時佛在舍衛國祇樹給孤獨園

時有一天光色倍常來詣佛所頂禮佛足在

一面坐是天威德光明熾盛普照祇洹悉皆

大明彼天尔時即說偈言

云何起必壞 云何遮不生 云何捨所畏

云何成法樂

尔時世尊以偈荅曰

瞋恚起時滅 貪欲生必遮 棄無明無畏

證滅最為樂 棄恚捨貪欲 出於諸結使

不著於色名 觀諸法空林 欲為生死根

欲能生諸苦 斷欲得解脫 諸苦亦復然

苦得解脫故 苦本亦解脫 嬰愚無智人

放逸不觀苦 是故沒苦海 纏縛無窮已

智者檢亂心 不宜著諸欲 夫為放逸行

能壞禪定樂 是故應攝想 勿得著欲染

譬如巨富者 守護其珍寶

尔時天復以偈讚言

往昔已曾見 婆羅門涅槃 嫌怖已棄捨

能度世間愛

尔時此天說此偈已歡喜而去

如是我聞一時佛在舍衛國祇樹給孤獨園

尔時有一天光色倍常來至佛所頂禮佛足在

一面坐是天威德光明熾盛普照祇洹悉皆

大明彼天尔時即說偈言

雖到於五塵 不名為貪欲 思想生染著

乃名為貪欲 欲能縛世間 健者得解脫

尔時世尊以偈荅曰

欲性本無常 斷滅則悟道 著欲生繫縛

永不得解脫

若以信為伴

不信莫由起

名稱轉增長

壽終得生天

若復斷除欲

不數數受有

不還來生死

永入於涅槃

知身空無我

觀名色不堅

不著於名色

從是而解脫

亦不見解脫

及以非解脫

哀愍利群生

廣饒益一切

天復以偈讚言

往昔已曾見

婆羅門涅槃

嫌怖久捨離

能度世間愛

尔時此天說此偈已歡喜而去

如是我聞一時佛在舍衛國祇樹給孤獨園

尔時有天光明倍常來至佛所頭面禮佛在

一面坐而說偈言

應共誰止任 復應親近誰

得利不生惡

從誰所受法

尔時世尊以偈答曰

應共善人任

親近於善者

從彼人受法

得利不生惡

應共善人任

親近於善者

從彼人受法

智者得利樂

應共善人任

親近於善者

從彼人受法

智者得名譽

親近於善者

從彼人受法

智者得解慧

是故應共住

親近於善者

從彼人受法

親族中尊勝

能離於憂愁

於一切苦中

力能昇解脫

遠離諸惡趣

能斷一切縛

純受上妙樂

得近於涅槃

天復以偈讚言

往昔已曾見

婆羅門涅槃

嫌怖久棄捨

能度世間愛

尔時此天說此偈已歡喜而去

如是我聞一時佛在舍衛國祇樹給孤獨園

尔時有天光明倍常普照祇恒悉皆大明來

詣佛所頂禮佛足却坐一面而說偈言

貪惓貧窮苦

皆由不惠施

若欲求福德

智者應施與

尔時世尊以偈荅曰

可怖莫過貪

貧乏恒飢渴

恐貧不布施

不施畏甚大

今世若後世

飢窮苦難計

若得少能施

得多亦能施

生時得快樂

壽終得生天

難施而能施

是名難作業

嬰愚不知解

諸佛賢聖法

愚智俱命終

生處各別異

愚者墮地獄

受於種種苦

智者生人天

乃可得解脫

貧窮捃拾活

以用養妻子

淨心割少施

其福無有量

設百千大祠

供養於一切

不及貧布施

十六分中一

大祠有鞭打

侵掠他財寶

種種苦惱人

以成大祠業

以惡聚財寶

衆皆不歡悅

如是不淨施

及以小淨施

受報有好醜

不可以相比

如法聚財物

終不非法求

得財捨用施

正直而施與

具戒修禪定

正直者受取

福聚布四方

猶如大海水

天復以偈讚言

往昔已曾見

婆羅門涅槃

嫌怖久捨離

能度世間愛

爾時此天說此偈已歡喜而去

如是我聞一時佛在王舍城毗婆山側七葉窟中時佛為却陁羅刺脚極為苦痛如來默受雖復苦痛無所請求爾時有八天子顏容端正來詣佛所中有一天言沙門瞿曇實是丈夫人中師子雖受苦痛不捨念覺心無惱

異若復有人於瞿曇大師子所生誹謗者當
知是人甚大愚癡第二天亦作是說瞿曇沙
門丈夫龍象雖受苦痛不捨念覺心無惱異
若復有人於瞿曇龍象所生誹謗者當知是
人甚大愚癡第三天復作是言沙門瞿曇如
善乘牛第四天復作是言沙門瞿曇如善乘
馬第五天復作是言沙門瞿曇猶如牛王第
六天復作是言沙門瞿曇無上丈夫第七天
復作是言沙門瞿曇人中蓮華第八天復作
是言沙門瞿曇猶如分陔利觀彼禪寂極爲
善定終不矜高亦不卑下止故解脫解脫故
止時第八天即說偈言

非彼清淨心 假使滿百千 通達五比施
為於戒取縛 沒溺愛欲海 不能度彼岸
尔時八天說此偈 已頂禮佛足 還其所止
垂下及遮止 名稱及伎能 彈琴并棄捨
種別善丈夫 慳貪不惠施 八天為第十
別譯雜阿含經卷第十 息

晃曜

上胡廣反

棄捐

上音弃下音

嫌隙

進反胡

慙

下去

軟爛瀆

上郎且反

佞

止也

捺

奴代反

溢

夷一

斷

賜觚

底音

柱

上音

弈

音亦

彘

所綺反

甚

息

乞句

下音

陵邈

下音

俟匱

上士

史

反

羔羊

俱菟

下音

明

字

臆

下音

拈拾

上音

矜

反

高

上音

大也

高

上音

高

上音

高

上音

高

上音

